



Arubaanse Courant

...nja 26.

DIALUNA 22 JUNI 1964

No. 5064.

ACCIONISTANAN "OLDE MOLEN" AWOR TA DIRIGI NAN PA HUEZ

ORANJESTAD, 22 juni - Señor Morris Serphos na nomber di e grupo di accionistanan di Palm Beach Restaurant "De Olde Molen", cual no ta satisfecho cu e manera cu e negoshinan di Olde Molen ta worde trata ultimo lunanan, a declara, cu e grupo aki awor a tuma e desicion di dirigi nan mes na huez. Entrante e Servicio di Desaroyo Economico ariba peticion di gobierno di Aruba, kende ta hinka cu un fianza enorme den e mulina aki, a cuminsa cu un investigacion intensivo di administracion.

...a pa dia ta formando un tem-
...estad mas grandi ariba e muli-
...aki cu algun aña pasa yen di
...entusiasmo a worde instala co-
...o un restaurant na Palm Beach.
...ultimamente manager Van Keppel
...a manda tur personal cas.
...a medida cual segun ta worde
...sa, no mucho despues a si-
...cu su propio retiro inme-
...atamente, seramento di "Olde
...olen", rumornan fuerte en-

cuanto un bancarota cu por wor-
de declara un ora pa otro ac-
cion no mucho di akt te aña
y accionistanan cu ta birando
mas y mas inquieto.
E accionistanan cu ya anterior-
mente casi a trece e cuenta di-
lanti di huez cu un peticion pa
tene un reunion extraordinario
di accionistanan como cu directi-
va y comisario ta nenga di
haci tal, ultimamente na nomber

di e consejo di comisaronan a
worde suplica pa no haci esaki
wanta nan accionan un siman co-
mo cu e reunion cu a worde pi-
di pronto lo worde teni. Como
cu awor e termino a pasa y
e delegado comisario señor Ch.
Morales no por a muestra e gru-
po di accionistanan di cual ta
trata ariba un fecha pa tene e
reunion promer cu fin di luna,
diasabra ultimo e desiciona wor-

de tuma pa mas pronto e siman
aki y probablemente awe ainda,
aserca huez pa pidi un reunion
di accionistanan ariba orden hus-
ticial. E interesnan di señor
Serphos y su otro coleganan com-
ercial ta worde trata door di
mr. H.C. Willemsen.

E retirado manager Van Keppel,
kende su cas parse ya perso-
nanan cu e debe a laga confis-
ca, a tuma señor mr. P.P. C.H.

van der Voort como su advisor
juridico. Señor Serphos alavez
a bisa di ta masha contento
cu e investigacion cu DECO ta
haciendo pero cu sin embargo
ta di opinion cu no por warda
mucho mas, como cu alavez e mu-
lina a worde cera y ta birando
mas cu tempo pa cuminsa deli-
bera ariba e medidanan cu tin
di tuma pa habri e empresa
atrobe.



SABOR CU NUNCA TA
VARIA

IT NEVER VARIES.

rencia mas amplio posible. Co-
mo cu majoor Ballieux ya basta
tempo ta hiba e comando di
e mariniernan na Aruba, su su-
periornan ta hanja cu a yega e
momento pa e pasa e comando
aki pa un otro cu ainda no ta
bata e comando. "Un traslada-
cion pa duna mas experiencia y
practico", segun e informacion di
e Servicio Informativo di Mari-
na Hulandes.

Question bendemento di bebida sin permit

ORANJESTAD, 22 juni - E dama A.A.S. naci
a Santo Domingo y manera el a bisa anterior-
mente dama publico, pero awor mas no, ultima-
mente mester a presenta dilanti di huez, acusa di
bende bebida alcoholico na San Nicolas sin per-
mit. Segun e acusacion, e dama durante cierto
periodo na luna di april, a bende bebida aloco-
ico. Pero esaki acusada S. a nenga rotundamen-
te.

Officier di husticia a hanja cu e delito a wor-
de proba y a exhihi 100 florin di boet of 20 dia
de cera. Huez a hanja cu no tabatin prueba sufi-
ciente a declara S. liber.

...oltsnan kende den ultimo tem-
...o ta haciendo razia ariba lu-
...arnan sospechoso na San Ni-
...olas, parse aki tambe a hanja
...persona cu bebida cu lo nan a pa-
...a pa nan.

...ero S. a keda nenga cu esaki
...a tuma lugar, por ta cu ta-
...atin algun persona den su cas
...tabatin bebe, pero esaknan
...un amigo di San Domingo
...un di Corsow y probablemente
...e cu otro hende cu nan cono-
...e. Pero e no sabi nada di ben-
...demento di bebida y e no a ha-
...i esaki, como cu awor e ta
...a dama decente y no ta comete
...al delito mas, despues di an-
...riormente a worde atrapa y a
...hanja un castigo cu un tempo
...i prueba di dos aña.

...gun e officier dos marinero
...tabata na e lugar a declara
...a cumpra un rum-coke pa o-

chenta cent. Alavez e dama S.
anteriormente ya a worde casti-
ga pa tal delito. El a exhihi un
boet di cien florin. Huez a laga
S. bai liber pa falta di basta
prueba.

Marcial Tromp lo traha Emmanuel Kapel

ORANJESTAD, 22 juni. - Dia-
bierna ultimo a tuma lugar den
restaurant Trocadero na Oran-
jestad, e destajo pa e construc-
cion di e capilla Emanuel na
Weg Kustbatterij na San Nicolas.
E resultado di e destajo tabata
como lo siguiente:

Futura N.V.	Fl. 82.990,-
PHOENIX N.V.	„ 85.300,-
Bohama	
Bohama	„ 82.250,-
Bowmij. Aruba	„ 84.550,-
Marcial Tromp	„ 80.990,-
Petrona & Croes	„ 81.250,-
Isidro Lopez	„ 86.570,-

E calculacion pa e construcion
tabata ochenta mil florin. E con-
tratista cu tabata mas cerca
di esaki tabata Marcial Tromp
kende a hanja e contract pa con-
strui e capilla. Awor ta spera
ariba e entrega di e tereno pidi
serca Eilandsraad, pa cuminsa
construccion.

FATUM

Pa tur bo aseguronan
Tel. 1845.

BISANOS

E motibo pakiko mi
ta haya "Arubaanse
Courant" un diario
asina bon, pasobra e
ta un courant pa hen-
ter famia.

LIVIA CROES,
Seroe Pita 33,
Paradera.

Cambio di comando na Savaneta

SAVANETA: 22 juni - Entrante
di promer di agosto venidero e
comando di Mariniers kazerne na
Savaneta lo worde entrega door
di Majoor G.C.J. Ballieux na -
majoor di mariniers E. Graaff
na e momento ta prome officier
di Marinierskazerne na Suffi-
sant na Corsow. Majoor Ballieux
lo worde traslada pa e staf di
e comandante di Mariniersnan
den Antillas, kolonel A.M. Luijk.
Segun nos a worde informa door
di servicio informativo di Ma-
rina Hulandes na Aruba e trans-
ladacion di señor Ballieux tin di
worde mira como un asunto di
rutina, cual unicamente tin co-
mo proposito pa duna e offi-
ciernan di e Curpo di Marina
oportunidad pa hanja un expe-



Tabatin un enorme interes Diabierna ultimo for di banda di e comercio y prominentenan di nos co-
munidad pa e apertura di ELGA N.V. den Nassaustraat. E edificio completamente airecondiciona y
construi pa e contratista F.M. (Manchi) Arends, ta un otro ganashi pa e bunita bista di e "shopping-
center" di Oranjestad. Diabierna hopi a bin duna felicitacion na senjornan V.C. Henriquez, C.C. Sinke
y P. Sybrandi kendenan e bin for di Corsow especialmente pa e apertura di nan filiaal na Aruba y tambe
na e manager na Aruba señor J.E. Visser.

Ariba e foto aki nos ta mira di robez pa drechi, senjornan Visser, Sinke, Henriquez y Sybrandy....
naturalmente sumamente contento cu apertura di nan edificio nobo cual ta especializa ariba tereno di
articulonan electrico pa cas.

Rectificacion

Den e relato di ayera nos a bi-
...qu PAA a vota pa duna Jones
...permiso pa explota e casino, pe-
...nos a ser informá qu PAA no
...bata representá na e reunion
...e simple hecho qu nan no tin
...cion den e compania.

SENADO DI MERCA TA ACEPTA LEY RIBA DERECHONAN CIVIL

Washington, -- UPI -- E legislacion mas amplio di derechonan civil qu e pais aki yega di conocé for di e era di reconstruccion, y cual a ser aprobá ayera pa Senado, despues di e batalla mas largu den historia, lo convertí su mes den ley na july proximo.

Esey tabata e promesa qu a ser hasi pe gruponan parlamentario di e camara di representantenan qu ya a pone e movimiento maquina den funcion pa manda e proyecto di ley no mas laat qu dia 2 of 3 di july proximo, pa presidente Johnson firmelo.

E proyecto di ley qu a ser aprobá pa Senado lo ser ricibi oficialmente pe camara di representantenan dialuna malta 11 or. Debí na qu e version qu a wordu aprobá pa Senado no ta mas, den practica anto, qu un texto mas largu qu esun qu e camara representante ya a aprobá. Awor e camara di representantenan mester aprobá e cambionan qu a ser introduci pe Senado.

E representantenan Emmenuel Celler (Democrata) y William M. McCulloch (Republicano), autor nan di e texto qu a wordu aprobá pe Camara a manifestá qu no tur e cambionan qu a ser hasi pe Senado durante e 83 dianan di debate ta na nan smaak, pero" nos ta kere cu ningun di e cambionan ta hasi e proposito di e Legislativo grave." Den un declaracion conhunto ambos legislador nan ta exhortá e cuerpo na cual nan ta forma parti pa aceptá e cambionan senatorial.

E proyecto di ley, qu a ser aprobá ayera nochí cu 72 votos contra 27, ta duna gobierno federal facultadnan amplio, manera nan no tabata conocé for di despues di e epoca qu a sigi inmediatamente despues di e guerracivil casi un siglo pasá.

Su proposito ta eliminá discriminacion racial completamente den school, den trabao di e programa di ayudo federal y den lugarnan publico, y tambe hopi tiendanan privá qu ta habri pa publico. E legislacion a ser proponé pa difunto presidente John F. Kennedy dia 19 di juni 1963 y despues adoptá. Su sucesor, presidente Lyndon B. Johnson, a impulsá esaki pa awor bira realidad.

Aunke e lidernan republicano di e camara di representante y Senado ta hunga un papel importante den e aprobacion aki, senador Barry Goldwater -- te ne momentonan aki e principal candidato pa presidencia -- a atacá e proyecto di ley y a declarele "inconstitucional" y a vota contra esaki.

Presidente Johnson a hasi un yamamentu na tur e norteamericanonan pa hasi di ley aki "un custumber na mundu," despues qu el a tende e noticia di aprobacion.

"Ningun ley di Congreso, por eliminá discriminacion, prejuicio odio e injusticia -- asina e presidente a manifestá -- pero e forsan di boluntad, compasion decencia y e wegá limpi di e

batalla di hopi añanan di prueba, sí por hasi esey y esaki lo ta e preludio di un triunfo final den un pais cu libertad y husticia pa un y tur."

Peticion di Oe Thant pa Chipre

NEW YORK, 22 juni. - Secretario general Oe Thant di Naciones Uni a pidi e nuebe paisnan cu a entrega trupanen pa e ehercito policial di Naciones Uni na Chipre, pa tene e trupanen tres luna mas eyan. Consejo di seguridad ya a duna autorisacion pa prolonga estadía di e potencia di Naciones Uni te cu 29 di september.

Oe Thant a anima tur paisnan miembro di Naciones Uni pa contribui voluntariamente den e gastunan cu e prolongacion ta trece. Esaki ta worde calcula na 7.3 millon dollar.

E secretario general di Naciones Uni a pidi Thimaja, ex stafchef di ehercito di India pa e sucedi general Gyani como comandante di e cuerpo policial di Naciones Uni na Chipre. General Thimaja ya a haya e nombracion. General Gyani, cu tambe ta di India, ta retira pa motibunan personal desconoci.

H. Bahlingen ta gana

Fl. 3.270.- den CYI

SAN NICOLAS, 22 juni. - Empleado H. Bahlingen di Receiving and Shipping ta e ganador di e segundo premio inicial di mas halto di Coln-Your-Ideas den historia di Lago, pero tabatin mester di seis luna promer cu el por a ocupa su lugar entre lidernan di tur tempo. E premio total tabata Fls. 3270. Na December anja pasá, Comité di CYI a acepta su idea pa instala un tubo di binti-cuater dím diki na Finger Pier No. 3. E instalacion di e tubo aki cu el a propone a aumenta e flexibilidad di e dock y su utilizacion hopi.

Cu solamente un linja sol anteriormente, e bapornan na Finger Pier No. 3 no por a descarga mas cu un grado di crudo of crudo y combustible di Amuay a la vez. E instalacion awor ta haci esaki posible.

Basá ariba spaarmento cu ta ser sperá for di e proyecto Sr. Bahlingen tabata eligible pa un premio inicial di Fls. 3270. Ora e idea a ser adoptá, el a ricibi un pago parcial di Fls. 425. Awor cu e instalacion ta completá y getest, Sr. Bahlingen recientemente a ricibi e resto di e pago ainda ta parti di su premio inicial.

Door di ocupa segundo lugar entre e lidernan anterior di Lago, Sr. Bahlingen a tuma e lugar for di D.W. Marquez, kende a ricibi Fls. 2085 na 1962. Sr. Marquez ta move pa tercer lugar, cual a caba di ser ocupá luna pasá door di e empleado de Departamento Tecnico H.A. Kelly. E premio inicial mas halto te awor ta Fls. 5.000 cual a worde pagá na C.F. Bond na 1962.

Un empleado cu mas binti-dos anja di servicio, Sr. Bahlingen a manda mas cu diez-un idea aden na e programma di CYI, varios di cual a worde acepta. Su premio mas reciente ta esun mas grandi cu tur.

(Esso News).



Deliciosamente Refrescante

FOR RENT OR SALE

GOOD GOING

BUSINESS

SPECIALIZING IN GOOD QUALITY MERCHANDISE LOCATED IN VERY GOOD LOCATION NASSAUSTRAT, ORANJESTAD.

SERIOUSLY INTERESTED WRITE OFFICE OF THIS PAPER UNDER LETTER R, NASSAUSTRAT 85 - Aruba.

A caba di jega

SET DI CAMBER

- * moderno
- * bunita
- * na prijs economico.

ademas a jega varios otro articulo manera SET DI SALA, DINNETE. SET - TAPIT - CASHI PA CUSHINA etc.

La Linda

NOS TIN TRABAO

PA UN CAMERA

Personanan di bon conducta fabor acudi personalmente na

PALAIS ORIENTAL

(Pa' bao) - O' Stad.



BOTICA ARUBA

- Personal competente
- + Maquinaria moderna
- = Servicio excelente.

Jama No. 1080 - 1081 of 1180

y nos ta busca bo recept y entrega e remedi na bo cas.

RESULTADO LOTERIA

ALG. VER. V. NED. RES. OFF.

Sorteo di dia 20 di juni 1964

10 prijs No. 1957

30 prijs No. 1307

20 prijs No. 1708

40 prijs No. 1921

Por busca premionan serca Sr. C. Alberts, a/c Bouwmij, Aruba N.V. Druivenstraat 10.

NEW YORK awor

bo por bai te New York
den un "Fan Jet" rapido
y transonico

\$ 78,25 cada vuelo

E "Fan Jetnan" di Trans Caribbean ta sali tur Diamars, D'abierne y Diadomingo for di Aruba.

E vuelo ta dura algo mas cu 4 ora. Sin cambio di avion na San Juan. Bisa bo agente di B'iahe coe bo ke bula coe Trans Caribbean, of jama telefon 2700.

Basá riba tarifa di excursion "round trip" di 15 dia.



TRANS CARIBBEAN

THE '5TH ENGINE' FAN JETLINE

BOMBARDEO DI FABRICA DI SUCU NA CUBA

HAVANA, 22 juni. - Ministerio Cubano di defensa a participa awe oficialmente, cu un avion a worde tumba riba Cuba, despues cu el a benta bomnan sin causa victimas. E piloto di e avion a muri, dos otro ocupante a worde herida, asina e comunicado ta bisa.

E avion cu a bombardea un fabrica di sucu na Cuba antayera, no a subi for di Merca, pero for di un base na un lugar den Antillas, asina un portavoz di e exiladonan Cubano a participa ayera na Miami.

El a bisa cu e bombardeo tabata

un exito rotundo. E aviadornan a plama pamfletanan tambe den cual tabata bisa cu e bombardeo tabata cuminsamentu di un serie di atakenan riba finnan militar y economico na Cuba.

Cuba a protesta via di e embajada Checo na Havana cu ta a-

tende asuntonan Cubano na Washington, contra un bombardeo di un fabrica di sucu ayera door di un avion Mericano.

Un portavoz di e ministerio Mericano di defensa a bisa algun ora despues di a ricibi e nota Cubano di protesto, cu un avion particular cu a ianta diabierna anochi for di Florida ta perdi. E portavoz no por a confirma cu esey ta e avion cu a ehecuta e atake.

CONFERENCIA NA TOKIO A TERMINA

TOKIO, 22 juni. - E conferencia cumbre tocante Malasia cu a worde tene na Tokio, no ta un fracaso, asina president Macapagal di Filipinas a declara na e capital Hapones. A bai un paso dilanti riba caminda pa paz. Si nos tabatin poco mas tantu tempo, nos por a atende e problema mas profundo, pero Soekarno tabatin pura di bai supais.

President Macapagal a bisa esaki en coneccion cu rumornan cu parce e conferencia tocante e asunto Malasia e fracasa riba e negacion di Indonesia pa retira e guerilleronan Indones for di Noord Borneo. Den un declaracion di e ministerio Hapones di exterior satisfaccion tocante e conferencia ta keda expresa. Segun e declaracion aki a pone un base pa sigui negosha.

Radio Djakarta a anuncia cu a wor cu e conferencia di Tokio a fracasa e retiro di guerilleronan Indones for di parti di Borneo cu ta pertenece Malasia a worde suspende. Indonesia no tin otro seleccion cu aumenta su resistencia contra e federacion neocolonialista di Malasia. President Soekarno, cu a participa na Tokio na e deliberacionnan entre Indonesia, Filipinas, y Malasia tocante e asunto Djakarta.

Promer cu su salida Soekarno a bisa e delegado di Filipinas serca Nacionnan Uni, Salvador Lopez, cu e ta dispuesto pa participa na un conferencia cumbre nobo independiente unda esey - worde tene.

Lopez a actua como intermediador na e preparacion pa e conferencia. President Macapagal di Filipinas y premier Abdoel Rachman di Malasia ta sali mayan di Tokio.

Benedornan di catochi pa "Villa Dakota"

ORANJESTAD, 22 juni - Di diabierna ultimo en adelanti, cual persona cu worde gara cu ta bende catoochi, sin despensa ta somenta pa "Villa Dakota" caminda durante algun dia e por bai pasa "vacacion" ariba gasto di gobierno. Esaki ta loke officier di husticia a pone ariba su "lista di promesa" pa e benedornan di catoochi na Aruba.

Diabierna ultimo presenta un verdo y un pareha dilanti huez J. van Koot, como nan a comete e delito di bende loteria prohibi. Officier di husticia Tjon AJong kende anteriormente a constata caba cu parse e castigonan leve di boet y prison condicional no ta yuda, a dicidi cu entrante Diabierna ultimo cual persona cu presenta dilanti di huez pa mitibo cu el a worde atrapa bendiendo catoochi, sin pordon lo worde manda prison. Lo tin castigonan condicional mas, ni maske cu ta promer biaha bo a worde atrapa y si bo conta un

storia con bunita cu sea, si bo a bende catoochi, tras di trali lo bo bai. Diabierna e promer personan cu a sera conoci cu e desicion aki tabata e verdo J., kende a hanja un castigo di siete dia sera, mientras cu e parti masculino di e pareha a hanja nada menos cu 14 dia di prison. E esposa di e caballero cu a hanja 14 dia, tambe a hanja castigo di prison, pero condicional, esaki unicamente pasobra el a juda su se te pasobra el a juda su esposa bende catoochi un biaha.



ATHLETE'S FOOT?

USE

Absorbine Jr.
America's No. 1
Athlete's Foot Formula

At the very first sign of raw, red cracks between your toes...apply liquid Absorbine Jr.

Laboratory tests showed Absorbine Jr. killed 100% of Athlete's Foot fungi in test tubes in less than 5 minutes!

Use Absorbine Jr. regularly!

Available at all Drugstores.

Agents:

Marchena, Moron & Co. N.V.

FRANS SCHOLL TATA "LEON"

ORANJESTAD, 22 juni. - Diabierna anochi ultimo a tuma lugar na e caso di senor Erwin Oehlers presidente di Lions Club na Aruba estalacion di e tata di anja di Lions. E tata pa e anja aki a worde eligi door di e Lionessenan di Aruba. Como "tata leon" a keda eligi senor Frans Scholl. Na e party chikito cu bibida y snacks na abundancia, tabata presente tambe e gobernador di distrito senor O. Marugg, reina di LIONS Enic Marugg y mama di Lions senjora I. Beaujon. Te laat den anochi den un esfera di barbecue, e presentenan a celebra e nombramento di e tata Lions.



Esaki ta e seleccion femenino arubano di volleyball cu diabierna atardi a sali pa St. Thomas, Virgin Islands, caminda nan lo representa Aruba den e Weganan Femenino. E viahe aki di e volleybolistanan arubano a worde realisa door di cooperacion entre Aruba Sport Unie y Aruba Volleyball Association. Ariba e portret nos ta mira di r. pa dr. Korp. G. Verhalle, entrenador y coach, Myrna Bislick, Paskel (no a bai), Lola Bislick, Greta van Aanholt, Yolanda Bislick y Roy van Putten, hefe di e delegacion.

Na rudia di r. pa dr. L. Wouters, L. van Duijn, Rose Bislick, Lies Bislick y Astrid Kock.

FOR **FULL** PROTECTION! OWNERS OF

Valiant
Dart
Plymouth
Dodge
Chrysler
Imperial

ALWAYS ASK FOR



CHRYSLER ENGINEERED PARTS ACCESSORIES ENGINE AND CAR CARE PRODUCTS

Agents for Aruba:

Viana Auto Supply Co. Ltd.

Bernhardstraat 101

San Nicolas Ph. 5120-5121

DAMAS COMO REFEREE

Rio de Janeiro, -- UPI -- Federacion Internacional di Futbol (FIFA) a comunica confederacion brasileña di deporte den un circulaire cu e damasan tambe por actua como referee den e partidonan di futbol pero advirtiendone cu solamente nan por hasi esakinan den partidonan di colegialnan.

START THE DAY A HEALTHFULL WAY....



Daytime, night-time, mealtime, between-times, LIBBY'S juices are flavor-full with nutritious refreshment. The LIBBY'S juices are the truest, richest juices ever - with twice as much flavor as any other.

YOUR FIRST SIP WILL TELL!

N.V. Winkel's Handel Maatschappij

AMENAZA CU PUNJAL PA MOTIBO DI LIFT

ORANJESTAD, 22 juni - Pasobra cu ariba cierto dia J.A.B. kende ta biba na Village y ta sin trabao no a hanja "lift" di un tal L.A.M., kende e conoce, el a menaza esaki cu un punjal, cual segun el a declara dilanti juez, e ta usa pa pela appelsina. Officier a hanja e asunto serio y a exihi un castigo di tres dia di prison pa B., huez a duné un castigo mas leve di 1 siman condicional cu un tempo di prueba di un aña y 25 florin di boet.

J.A.B. ariba dia 19 di April, segun el a conta dilanti huez, despues di a sinta bebe cu un Arubano, e kier a bai su cas na Village. Como cu e no tabatin placa (e no ta traha) el a bai serca L.A.M., kende ta corre auto di e persona serca kende e ta traha y a pidi esaki un lift.

E caballero M. a negé esaki, bisando cu su patroon no kier pa e duna ningun hende lift cu e

auto di trabao. E hoben B. di 19 anja, kende no a gusta esaki, e ora a saka un punjal for di bao su camisa y a menaza M., bisando cu si e no duné lift e tin "esaki" pe, ki ora cu e hanjé. Dilanti huez e acusadó a bisa cu ta unicamente spantá e kier a spanta M. cu e punjal.

Ariba e pregunta di huez kiko e ta haci, ta camna cu un punjal, B. a bisa cu e ta usa e punjal pa pela appelsina.

Officier di husticia tabata menos satisfecho cu declaracion di B. Segun el a bisa, esakinan ta clasa di figuranan cu ta sinta nan mes masha fuerte cu un cuchu. Y pa e motibo aki ya hopi bidanan a worde kita. El a exihi un castigo di tres dia sera y inmediatamente. Pero huez a duna un castigo mas leve di un siman di prison condicionalmente y un boet di 25 florin.

Mas o menos un ochenta persona a asisti Diasabra atardi ultimo na e conmemoracion di e dia di fallecimiento di ministro Juancho Yrausquin na su graf na santana Protestant na Oranjestad. Entre presentenan tabatin Ministro E.O. Petronia, ministro R.J. Isa, gezaghebber interino I.S. de Cuba, deputado G.A. Oduber, deputado A. Falconi miembronan di eilandsraad y Staten di e fraccion di P.P.A., tambe representantenan di partido. Maestro di ceremonia senyor Hubert Booï den algun palabra a repasa e carera importante di e defunto y a muestra kiko e proposito di e conmemoracion ta, esta cu esnan cu a keda lo

Comfort



Y

TRANKILIDAD
TA LOKE AIRCO
TA DUNABO!

Castigo pa boks cu polis

ORANJESTAD, 22 juni E hoben boksdo E.A.S. di 21 aña, kende na luna di Maart a desobedece orden di polis, durante un desorden den Lago Sport Park y alavez a tuma posicion di boks contra di polis, mester a presenta dilanti huez pa esaki y a hanja un boet di 50 florin.

Dia 20 di maart ultimo durante di un encuentro deportivo tabatin



MASCARUBA
ta presenta

Suert'i pushi pretu
den

CENTRO CULTURAL
na Oranjestad

* DIAMARS 23 JUNI PA 8.15 P.M.
* DIABIERNES 26 JUNI PA 8.15 P.M.

ENTRADA SOLAMENTE FL. 2,--

KAARCHI TA OBTENIBLE NA:
Aruba Boekhandel - Aruba Post - Boekhandel Mariska - Playa Lux - Texas Furniture Store - Toko Dakota - Shanghai Store San Nic. La Esperanza - Variedades y serca Boy Escalona na Marconestraat 5.

Kaarchinan pa e presentacionnan ta bai manera pam cajente, sigura bo kaarchi na tempo!

poco dificultad ariba tereno na Lago Sport Park.

E caballero E.A.S., como un di e mironesnan a subi tereno. Ora cu polis a some pa e baha for di tereno, e no a haci esaki basta liher na gusto di polis. Ora cu nan a aserke el a pone posicion di bringa. Pero promer cu cos a bira mas dificil pé, el a dicidi di baha na

awa toch. Sin embargo el a laga un di e polisnan sabi cu en futuro ora cu e no ta ariba trabao. ta mihor pa e carga su pistoci e ora ey tambe.

Pa esaki officier di husticia a duné como contesta, cincuenta florin di boet, mientras cu huez a bai di acuerdo cu esaki.

Premier di Turquia

a sali pa Merca

ANKARA, 22 juni. - Premier Ismet Inonu di Turquia a sali ayera mañanda di Ankara pa Merca. E ta biaha cu un avion, cu president Johnson a pone na su disposicion. Na Istanbul e minister di exterior a bisa cu su biaha ta importante. Na su viaje di regreso el lo pasa Londen y Paris pa deliberacionnan.

Inonu a declara na aeropuerto di Ankara cu despues di su deliberacion na Washington el lo sigui pa New York pa consulta cu funcionarionan di Nacionnan Uni.

Turkia ta haci esfuerzonan serio pa trece solucion den e asunto Chipriota cu medianan pacifico, asina Inonu a bisa periodistanan.

Menos militar

ruso na Cuba

WASHINGTON, 22 juni. - Trupan Ruso a retira ultimo siman regularmente for di Cuba, asina a worde participa den circulonan Mericano.


E cantidad di militar nan Sovietico cu ainda ta na Cuba, no ta conoci cu seguridad, pero algun hende ta calcula cu esey ta menos cu tres mil.

Ta worde calcula cu Union Sovietica lo laga un mision consejera militar basta grandi na Cuba despues cu e trupanan di combate worde retira.

Choque entre polis y guerrilleronan

Caracas, -- UPI -- Forsanan di polis ayera a dispersa un grupo di guerrilleronan di FALN (Forsanan Armá di Liberacion Nacional), den un choke armá qu a tuma lugar den barrio Santa Rosa de Guarico, den estado Lara.

Cuater terrorista di e agrupacion clandestina a keda gravemente herida den e accion y otro a ser capturá. E sobranan a hui bai den e serunan di e region ey, y cual por cierto ta ser considerá esun di mas haltu di e provincia ey.



TUR HENDE TA CONTENTO


CU E GRANDIOSO CONCURSO DI

REY DE COPAS FLS. 4000.--

ta worde regala na su consumidoman. Simplemente duna e 4 popchinan den showwindow di oficina di Ron Rey de Copas un bonita nomber y gana placa!

Pa mas calidad y mas premia

Rey de Copas



REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuanto formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogf.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualquier nomber cu surgi pa algun acontecimiento, esaki ta debido na pura casualidad.

REY DE COPAS

ARUBA DISTILLING CO.

Wilhelminastr. 47

Tel. 1266

E. KENNEDY GRAVEMENTE HERIDA NA DESGRACIA CU AVION

Southampton, Massachussets, -- UPI -- Senador Edward M. Kennedy, y un ayudante di dje a resultá gravemente heridá den un accidente cu avion, den cual nan tabata biaha. E aparato a cai den un hoffi di appel durante un niebla pisá. Piloto di e avion a muri den e accidente. Kenned, ruman di e presidente asesiná John F. Kennedy, ta den "un estado semi-consciente," segun un persona qu a bishitele awe mardugá a bisa. Un vocero di e hospital na unda e ta interná a bisa qu su estado tabata di regular pa bon.

Senador Birch Bayh y su esposa, quendenan tambe tabata biaha den e aparato malográ a resultá heridá, aunke di menor gravedad qu Ted Kennedy. E ayudante di Kennedy, Edward Morse, su estado ta muchu mas grave qu Kennedy.

Presidente Johnson quende inmediatamente a ser poné na altura di e accidente a bisa qu e tabata "masha ansioso y preocupado" pe suerte di Kennedy.

E ruman mayor di Kennedy a muri den un combate durante segunda guerra mundial y un ruman muher di dje a muri den un accidente di aviacion poco despues qu su esposo a muri den guerra. Papa Joseph P. Kennedy, quende tabata embahador na Gran Bretaña, a sufri un ataque na aña 1962 y eta parcialmente paralisá. Famia Kennedy ainda ta yora morto di nan yiu favorito, qu te difunto presidente John F. Kennedy.

Aparentemente e senador hoben a ser bentá for di e aparato pa motibu di e choke. James Pease, di 21 aña di edad, quende tabata e promé persona qua yega ne lugar di accidente a bisa qu Kennedy tabata "na suela", semiconsciente.

"E tabata kier awa, de la manera qu mi a corre bai busca pe," asina Pease a declará.

El a agregá qu Bayh y su esposa tabata camna tur nervioso rond di e avion. Pease a afirmá qu Kennedy "al parecer tabata sufriendo hopi. E tabata heridá na su schouder of den su lomba. Un fotografo a bisa qu Kennedy a sclama: "No mishi cu mi. Lagami keda aki nan te ora qu ambulance bin buscami. Pero por favor trece un poco awa pa mi." E fotografo a bisa qu e instrumento di terriza je di e avion tabata muestra ainda qu e aparato tabata prepará pa baha.

Southampton, Massachussets, -- UPI -- Un segundo morto a cai despues di algun minuut, como resultado di e accidente di avion, bordo di cual tabata biahando e senador hoben Edward Kennedy, durante di cual el a ser gravemente heridá.

Su ayudante Edward Moss, awe a muri den hospital Cooley Dickenson, di e gravissima lesionnan cerebral qu el a sufri. Esaki a tuma lugar 7 ora despues di que avion den cual e tabata biaha a cai den un hoffi di appel. E piloto a muri inmediatamente. Ta trata aki di Edwin T. Zimny.

Maniobra pa pone Jagan renuncia

Georgetown -- (UPI) -- Gobernador Sir Richard Luyt a duna mas tantu forsa riba su control di emergencia riba Guayana Britanica, locual algun observador politico ta kere qu ta un maniobra pa forsa e prome ministro marxista Cheddi Jagan pa renunciar. E control di emergencia aki a ser publicá diasabra ultimo y awe el a ser confirmá pe corant oficial. E corant aki ta substitui palabra di e gobernador pe "consejo di Ministranan" y ta entregá tur control na Sir Richard riba e carteranan di trabao y finanzas. E gobernador ya tabata ocupa esnan di agricultura, mineria y asuntunan interior.

Observadornan ta kere qu ta posibel qu Jagan ta renuncia su puesto ora qu e elementonan di control aki nò ta den su poder mas.

Ainda qu den caso qu e nò renunciar, e por ser suspendé den su funcionnan, de la manera qu el a perde su control completo den Asamblea.

Southampton, Massachussets, -- UPI -- Varios miembro di e famia di Kennedy a bishita Ted Kennedy ne hospital di e ciudad aki. Entre nan, su ruman Robert Kennedy, secretario di husticia.

E senador, quende anteriormente tabata den un estado semiconsciente, a reconocé su ruman, Edward Martin, secretario di prensa Kennedy, a bisa awe qu e pacient actualmente ta sintiele mas comodo y mihor. "Su estado ta basta bon."

El a agregá qu den e hospital nan a dunele algun calmante. E secretario di prensa a manifestá qu al parecer e accidente a tuma lugar ayera noch entre 5 pa 11 y 5 pasá di il ora qu e avion tabata yegando e aeropuerto Westfield. El a bisa qu eynan Kennedy mester a recohé su esposa, quende tabata wardele serca algun amigu, y despues nan lo a dirigi nan mes cu auto pa West Springfield, lugar di convencion.

E aparato a dal contra di tres of cuater palu di e hoffi di appel di Walter Bashista, den e barrio aki qu ta situa oeste di Massachussets.



E pretendiente di trono di Noruega, principe Harald a worde eligi pa representa su pais durante weganan olympico na Tokio e anja aki den e concursionan di zeilmentu.

CHROESJEF TA TERMINA BISHITA NA DINAMARCA

KOPENHAGEN, 22 juni. - Como decision di e bishita di Chroestsjow na Dinamarca e premier Ruso y e premier Danes, Chroestsjow y Krag, a fima un comunicado den cual ambos partido ta stipula cu satisfaccion, cu ultimo tempo por observa cierto flohamentu den relacionnan internacional. Ambos ta considera di importancia esencial, cu Nacionnan Uni ta worde reforsa y expande en bista di solucion di problemanan internacional. Ta worde spera cu e negacionnan di e 18 paisnan na Ginebra lo duna resultadonan concreto di desar-me.

Di parti Ruso Sovietico ta worde sumamente apreca cu Dinamarca no tin intencion di pone armamente nuclear riba su territorio.

E actitud aki ta forma un contribucion importante pa reforsa paz na Noord-Europa.

Tocante e relacionnan cu paisnan menos desarolia e comunicado ta bisa: "Ambos partido ta na fabor di desarollo mas grandi

posibel di comercio internacional, sin discriminacion, cuai lo contribui hopi na mehoracion di situacion mundial.

Nan ta apoya cada iniciativa pa adelanto economico y mehoracion di standard di bida di e pueblonan den desarollo na Afrika, Asia y America Latino y tambe e esfuerso pa pone un fin na restanan di colonialismo.

Despues di a stipula cu satisfaccion e expansio di comercio entre Dinamarca y Union Sovietica e comunicado ta sigui: "E hefenan di estado di ambos pais ta di acuerdo cu expansion di comercio riba e quota minimo y cu mercaderianan den cual te ainda no a worde negosha. Union Sovietica lo cumpra e anja aki mas producto agricultural serca Dinamarca. Dinamarca lo cumpra mas producto petrolero, instalacionnan, plaatsjnan di heru, auto, herment y otro machin y instrumentonan. Ademas di loke ya ta riba pedida Dinamarca lo entrega cuater bapor mas di diepvries, manera tabata anuncia pa Chroestsjow. Lo tin intercambio di experto y científiconan. Contestando di un peticion Ruso Dinamarca a haci un oferta concreta pa entrega di un fabrica di abonos quimicos. E oferta aki actualmente ta en estudio na Moscu.

55 TERREMOTO NA NIIGATA

Niigata, Japon, -- UPI -- Un terremoto nobo y fuerte ayera a sacudi Niigata y diferente parti di Japon Septentrional, pero no a causa mas dañonan na esnan qu a ser provocá pe temblor di diamars ultimo.

E oficina meteorologica di Sendai a bisa qu e ultimo temblor no tabata mes fuerte qu esun promer. Funcionadornan di polis na Niigata inmediatamente a pone nan mes den contacto cu tur e stacionnan y tur caminda a ser anunciá qu e terremoto di ayera no a causa mas dañonan.

E sargento di polis a manifestá "Nos tabatin asina tantu temblor for di diamars ultimo qu ya nos ta custumbrá di e cosnan ey." For di despues di e terremoto mas fuerte qu a ser registrá na Japon den ultimo añanan aki, nan a registrá 55 "temblor". E agencia di noticia Kyodo a bisa qu ne momentonan aki nan ta interesa na logra suficiente awa pa e habitantenan.

E candelanan di petroleo ta sigi den e ciudad, y polisnan ta bisa qu tal bes lo dura tres dia mas prome qu nan lo dominá nan.



Margaret Goldwater, di 20 aña di edad, jui muher di senador Barry Goldwater, ta admira un di e regalanan di casamentu cualnan ta yegando su cas na Phoenix, Arizona. E ta un simbolo apropiá, un



elefante cu ta e emblema republicano. Peggy lo casa cu Richard Arlen Holt di 26 aña di edad dia 27 di juni proximo.

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna edicion los 20 ct.
 edita pa:
N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.
 Imprimi na:
N.V. DRUKKERIJ
 "DE STAD"
 Telefoon 1116 Directiva y redacion,
 2116 Anuncio y subscripcion.
 Directeur hoofdredacteur:
 D. Wolff.

POR CUMPRAN ARUBAANSE COURANT NA E SIGUENTE LUGARNAN:
 NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.
 NA SAN NICOLAS
 NICOLAAS STORE,
 UNION STORE.

BOTICANAN DI WARDI

Oranjestad Botica Oduber Tel. 1780 - San Nicolas Botica San Lucas Tel. 5119.

CINE

De Veer: 6.30 p.m. Sword of the Rialto: 8.00 p.m. W Rialto: 8.00 p.m. "The Best Of Enemies" all Principa: 8.00 p.m. "Five Miles To Midnight" 18 j Aurora: 8.30 p.m. "Estos Años Violentos" 18 j Savaneta: 8.00 p.m. "The 300 Spartans" all

RADIO VICTORIA

6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 El Sendero De Vida
 8.00 Canticanan Di Evangelio
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias Español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air

11.15 Novela Cristiana
 11.30 Melodias Di Merdia P.M.
 12.00 Ultimas Noticias
 12.15 Musica Sagrada y Meditacion
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 Reading Room
 2.15 Songs Of Zion
 2.30 Quiet Hour
 2.45 Radio Revival
 3.15 World News Headlines
 3.20 Ensueños Musicales
 3.45 La Hora Bautista
 4.15 Ultimas Noticias
 4.30 Vertel Uurtje
 4.45 Noticias Español
 5.00 Musica Di Banda
 5.15 Palabranan Di Bida
 5.30 Lago Hour
 6.00 World News
 6.15 Psychology For Living
 6.30 Sailor Sam
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 De Groene Weide
 9.00 Klassieke Muziek
 10.00 Sign Off

RADIO KELKBOOM

7.00 Opening
 7.02 Bon dia cu Alegria (Instrumental)
 7.30 Noticia Internacional (Amstel)
 7.45 Musica Matutino
 8.00 Seleccion musical cu disconan Latino
 8.30 Cumpleaños Feliz
 9.00 Noticia Social
 9.15 Musica Varía
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programma di N. Habibe Jr.
 11.00 Noticia Internacional
 11.05 Musica Norte Americana
 11.15 Musica Antillana
 11.30 Musica Varía
 12.15 Noticia Internacional (Amstel)
 12.30 Musica Norte Americana
 12.45 Noticia Local (Viana)
 01.00 Variacion di Ritmo latino
 01.30 Mei ora cu Boleros
 02.00 Novela (Repeticion)
 02.30 Peticiones
 03.15 Ritmos di Caribe
 03.45 La Macorisana & Internacional Supermarket
 04.00 Musica cu sabor Azteca
 04.30 Noticia Local (Heineken)
 04.45 Cocktall Musical
 05.00 Danzones Cubanos
 06.30 Musica para la Cena
 07.00 Noticia Internacional papiamento
 07.15 Musica Aleman
 07.45 Musica Norte Americana Instrumental

08.15 Novela (Colgate)
 08.45 Musica Varía
 10.00 Sluitting.
TELEARUBA
 5.30 Cartoons
 6.00 Annie Oakley
 6.30 Dutch Film
 6.45 Papiamento Newscast Live & Filmnews
 7.30 The Flintstones
 7.45 Papiamento Sportnews
 8.15 I love Lucy
 8.45 Have Gun Will Travel
 9.00 English Newscast Live & Filmnews
 10.00 Dutch Film
 10.30 Bold Venture

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monteverde
 15.30 Perfecta ama de casa
 16.00 Mejlas y sus muchachos
 17.00 Fuego de juventud
 17.30 Patrulla fantasma
 18.30 A gozar con salami
 19.00 Las enfermeras
 20.00 Yolanda Moreno
 20.30 Radio Rochela
 21.00 El observador Creole
 21.15 M. Squad
 21.45 Dick Powell
 23.00 Cine en español

CUMPLEANJOS

Awe dia 22 di juni ta cumpli anja cu nan a drenta enlace matrimonial e feliz pareha Señor Antonio Giel y Señora Maria A. Tromp de Giel, a Tromp de Giel, nan ta ricibi felicitacion di nan estimado yiu Theo, mamanan, tata, tur rumanan y demas famia.
 Awe ta cumpli anja Margriet Maduro, felicitacion ta bini di su tata, mama, rumanan Benita, - Glenda, welo y welanan, tanta y omonan, prima y primonan, pepe Francisca y demas famia Maduro y Ras.
 Awe ta ser bautiza den misa San Francisco, Carina Gertruida yiu di Señor Benito Giel y Sra. Nicolasa Semeleer de Giel, su padrino lo ta Sr. Epifanio Semeleer, madrina Sra. Cornelia Willem de Maduro, felicitacion ta



Despues cu polisnan a traha sin exito riba un pista falsu tocante asesinato di e criatura Terri Robins di 2 año di edad, su mama mes a confesa qu el a mata e criatura. Señora Yvonne Robbins, di 23 a bisa qu e mucha tabata mancaron y qu el a matele pa duele. Un nota di "odio" a ser poné den su cas pa desvia e investigacion policial.

bini di su 5 rumanan, welo y wela, tanta y omonan y demas famia.

Roberto Arias por move cu su curpa

Apia (Samoa), -- UPI -- E nabegante William Willies, di 70 año di edad, a bolbe aplazá su biaje di Samoa pa Australia den un balsa. El a bisa qu el o sali dialuna den su balsa "age unlimited."
 Willies quende ta trata na proba qu edad no ta un factor den e capacidad pa nabegá, a yega Samoa na november ultimo, despues di un biaje solitario di 128 dia for di Callao, Peru. Willies no a proyectá pa baha ningun caminda durante su biaje transpacífico, pero un tormenta fuerte a causa dañonan serio na su balsa di aluminio y palu y di tal manera a haña su mes obligá na mara den e puerto Samo. Despues su amigunana consehele qu lo ta mihor si e por keda ne ciudad aki te despues di e periodo di tormentanan, Willies a dicidi

MINA LO ENFRENTA DOS SANTOS

Lima, --UPI-- A worde anuncia cu e boxdo peruano Mauro Mina campeón sudamericano di peso pisa lo defende su titulo na Sao Paulo na augustus di e año aki contra e brasileño Walter dos Santos.
 Mina, quende ta aspira pa conquista e titulo mundial di su categoria, lo blaha pa Buenos Aires dia 10 di juli, integrando e grupo cu lo acompaña e campeón peruano di peso pesado Roberto Davila.
 Esaki mester bringa cu e argentino Gregorio Peralta pa e titulo sudamericano.

Tortura di un amor

NOVELA

No. 33.

"Pakiko bo a corre bay? Mi palabranan a ponebo bruha asina tanto?" "Mi no ta corre solamente pa bo Nico. Pero mi ta corre bay pa mi tambe. Nico, di berdad bo no ta kere cu mi ta un ladron?" "Pero Andy chikito. Mi ta sigur, cu abo no a coy ni e imagen y ni e cuadro. Esaki ta suficiente pa bo?" "Ta con bo sa, cu no ta ami a cohé?" Nico a lanta para. Su cara a haya un sombra. "Ainda mi no por bisabo, Andrea" Ela cana bin serca dje. "Perobo mester tin confianza den mi". Andrea ta sacudi tristo su cabez. "Bo tampoco no tin confianza den mi, Nico. Loke pasa ta, cu awor bo no kler kere, cu ta ami a hacié. Pero den bo paden, bo no ta sigur. Si Hulla bini un blaha mas cu un prueba, lo bo keré!" "Hamas Andrea, mi ta hurabo!" "No hura Nico, por

fanor! Ta mihor, si nos parti foy otro." "Lomi no permiti pa bo bay, Andrea." "Bo no por tahami." "Lo mi tenebo akiden cu tur loke mi por haci, bo ta masha terca. Bo ta kere realmente, cu ami talagabo bay, awor cu misa, cubo tambe ta stimami?" "Mi abisabo Nico, cu mi no ta kere den e duracion di bo amor y mi no por actua contra mi conviccion. Pese y no molestiami mas!" "Bo ta molestia bo mes, Andrea y ami tambe." Poco poco y suave Conde Nico a halé serca dje. "Pa awe bo a haci suficiente bobedad. Bay drumi awor y mayan nos ta sigui papia. Y keremi, e ora ey tur cos lo bira otro." "Nada lo cambia mayan, Nico. Mi no kler keda mas na castillo di Elmer. Ni si quiera pa un anochi." "Bo no ta stimé tanto? Bo tambe ta hayé mes sin nuestro manera e otro hende -

"Nos por a desayuno ayanantambe." "Ah, tabata mihor asina!" Durante algun seconde tabata tin un sonrisa maliciosa riba lipnan di e Conde. Un sonrisa di cual Andrea no por componde. "E ama di Angerhof ta malo", e Conde a agrega. "Esey kler meen, cu nunca bo no sa, si bo ta jega na un momento adecuado." "Ahesey", Hulla a bisa cu menosprecio. "Arthur von Grooten a jega di ricibi nos, sin su senjora. Manera semper bo ta demasiado ceremonioso, Nico!" Suave Hulla a pone su man arriba esun di Nico. Apenas reparable Nico a sinti un shock den su curpa. Cu culdao el a kita su manbek. Despues Hulla a cuminsa hari rabia y cu odio. "Pakiko bo tin berguenza, dushi?" Invitador el a tira su cabes atras. Cun un mirada furioso pa Andrea el a continua bisando: "Pronto nos lo deshaci di esey. Pakiko nos no por mustré awe caba, cu nos ta stima otro? Y ademas tur hende sa caba." "Tur hende excepto ami", e Conde a bisa cu bofon, "y no lubida!" "Bo ta nenga bo amor, netamente pa e criatura ey, Nico? El a bin stroba nos for di cuminsamento caba!" "Stop Hulla. Mi no ta permitibo pa bisa algo semehante!" E Conde su vos ta hees di emocion. "Ach, boso stop", Andrea a bisa, cu un vos lloroso. "Pa mi, boso-

nan no tin mester di hunga kako scondi. Ademas nos tur dos sa, cu nos no ta mará na otro." "Bo a tende Nico!" Tabata tin odio den Hulla su voz. "E no ta sinti su mes mará! Y abo? Den papel di esposo fiel bo ta ejemplar! Dios sa, cu kende bo estimada senjora ta pasa su amor! Kizas cu Sr Brit? Hopi blaha bo por miranan dos junto!" "Awor ta basta!" Indigná Andrea a bula para. "No solamente mi mester a soporta bo habladurarianan, pero awor mi mester wanta bo fantasia falso tambe! Ya esey ta dimas! Bo ta diablo!" "Tenebo calma, Andrea e Conde a purba tranquilizá Andrea kende ta tur emocion. "Nico!" Condesa Hulla a lanta para. "Abo ta permiti, pa é ofendemi! Tahé, sino ami ta saké porta afó!" Na un manera histerico e ta grita Nico. "Ta bo mes falta, Hulla!" "Kiko? Abo ta defendé tambe? Esey kler meen cu bo no ta stima ami tampoco!" Ekier a bula lanta y corre bay, pero e ultimomomento e Conde ta dal tené: "No haci coy mucha chikito, Hulla!" "Mi ta keda akinan, si bo ta protehami, y si bo mester esun aya cu bo ta stima mi!" "Wel, bin anto!" E Conde a bisa yen di rabia. Riba Andrea su lipnan tin un sonrisa tristo y amarga. "Abo keda akinan, mi ta bay!" Andrea su palabranan ta zona cansá.
 E ta sigui.....

RIP KIRBY pa cortesia di: **JAN BODEGOM & CO (ARUBA) N.V.**
 Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**

Horoscopo personal

ARIES-21 di maart - 20 di april
 Un bon obra chikitu y bon hasf
 quizas ta bal mas di toke bo ta
 figura, Coopera cu bo amigunan.

TAURO-21 di april - 21 di mei
 Esaki ta un dia traha pa Tauro.
 Loke bo cuminsa lo tin exito
 semper.

GEMINIS-22 di mei - 21 di juni
 Quizas fracasonan lo ocurri
 sin ningun advertencia. Bo por
 sobrevivinan cu mitar di e es-
 fuerzo di custumber si bo no
 perde tempu sintiendo compasion
 di bo mes.

CANCER-22 di juni - 23 di juli
 -Cancer cu ta tuma su tem-
 pu pa pensa e cosnan lo evita
 di cal den trampa di e extremon-
 nan.

LEO-24 di juli - 23 di augustus
 Esaki ta un dia cu bien por re-
 queri tur bo esfuersonan. Sin
 embargo consolabo di cu ta bale
 la pera.

VIRGO-24 di augustus - 23 di sep-
 tember -Bo mester mantene bo
 mes alerta si bo ta desea di apro-
 becha di e dia aki.

SPAAR Ariba bo TYRENAN CUMpra e MEHOR CUMpra TYRE DUNLOP MAS BON NO MAS CARO.
 Agente na Aruba:
N.V. WARENHUIS VAN DER REE
 Oranjestad - tel. 1213

LIBRA-24 di september -23 di october
 -Un accion rapido fren-
 te un adversidad repentina lo sal-
 baba e dia aki.

ESCORPION-24 di october - 22
 di november -Hopi ta depende
 di e forma cu bo expresabo.

Escohe bo palabranan y percura
 pa bo tin tacto.

SAGITARIO-23 di november - 22
 di december -Acepta un insinua-
 cion di naturalesa, Di e manera
 aki lo bo ahorra dolor di cabes.

CAPRICORNIO-23 di december -
 20 di januari -Un forma filo-
 sofica di trata e cosnan por pre-
 veni un frustracion, Loke bo no
 por obtene bo mester laga.

ACUARIO-21 di januari - 19 di
 februari -Emplea talentonan na
 un manera inteligente y bo no
 tin cu preocupabo pa e dia aki
 mas.

PISCIS-20 di februari - 20 di
 maart -Disfruta di un activi-
 dad tantu fisica como mental.
 Descanso periodico lo hasi cu lo
 aumenta bo productividad.



CISCO KID pa cortesia di: **ARUBA BOTTLING COMPANY**
 NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA with compliments of **OFICINA MARITIMA DE ARUBA**
 DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

